

Rau Ite Imin Ru Tau Paulus Iboode Pa Yes Korin 2 Korin—2 Corinthians

¹ Yau Paulus. Maaron itaghon tauu loolo ve ighur ghau namin mbanooŋa to Yesu Krisi. Yeiru tonvetaz toit Timoti, nibood rau tane ilat pa lupuun to Maaron tau aleep izi nugh Korin na. Ve yam mon mako. Rau tane ilup gham tomania Maaron tamtamon tooni patabuyaana tISOV tau tileep irau taan sirivu to Akaia na paam.

² Poia to Tamaan Maaron ve Tiina toit Yesu Krisi aat iza tsiam, ve tingin gham aleep poia toman lolomim luuma. Onoon.

Maaron iuluul ghiit pa pataŋani toit, lesO tauul zetaanŋa pa pataŋani toozi

³ Loloon poia pa Tiina toit Yesu Krisi Taama Maaron, ve tapaiti pa poia tooni. Pasaa, i loolo isasaghatin ghiit ve iuluul ghiit. I Maaron tau iravrav ateen ve ipapalot ghiit irau saawe. *

⁴ Saawe isov tau iit taleep ila pataŋani loolo, i iravrav ateen ve ipapalot ghiit. Leso anaan tapalot zetaanŋa siriv tau tileep ila pataŋani loolo na, ve tarav atezi. Pasaa, uleen tau taghamghamu ila tooni, ene ipapalot ghiit. Tauta iit irau tarav zetaanŋa atezi ve tapalot zi. *

⁵ Onoon, iit tau tataghon Krisi ne, tabadbaad pataŋani naol imin i tauu. Eemon isaav ighe

* **1:3:** Ep 1:3; 1Pe 1:3 * **1:4:** Ro 15:5; 2Kor 7:6

tabaad patañani tintiina, ene pale i tauu irav ateen, ve tagham palotiinj tiina ila tooni. *

⁶ Saawe tau yei nibaad patañani, ene to iuul gham, leso ayooz ariaañ pa taghoniinj eez to Maaron, ve i igham mulin gham. Pa igha Maaron ipalot ghei gha niyooz ariaañ, ene pale ngar tau yei nighamu ne, ipalot gham paam ve ayooz ariaañ pa badoon patañani imin yei. *

⁷ Tauvene yei nighur ila ariaañ nighe: Yam pale ayooz ariaañ. Pasaa, yei niwatagh: Isaav igha itinja talup ghiit pa badoon patañani, ene pale Maaron irav ateen ve itinja tagham palotiinj ila tooni. *

Paulus ipaesia patañani tau ivot pani izi taan sirivu to Asia

⁸ Yam tonjetaz, yei nighe yam awatagh patañani tau ivot payei izi taan sirivu to Asia. Patañani tau ivot payei na, tiina kat. Irau nibaado mako. Tauvene saawe tana, nigham ngar nighe irau nileep mako, pale nimaat. *

⁹ Onoon kat. Saawe tana, nighita nighe lemai eez eta muul mako. Yei nimin ñeer tau tigabiiz saveen tooni ve tigha i aat imaat. Eemon patañani tawe ivot payei, leso ninumeer taumai sov, ve ninumeer Maaron. Pasaa, i mon ta irau ipaburigin yes mateegha. *

¹⁰ Tauvene patañani tiina tau ivot payei na, ene imin ta yei nileep ila naal aavo. Eemon Maaron igham mulin ghei pa patañani tawe. Tauta yei

* **1:5:** Mbo 94:19; 2Kor 4:10; Kol 1:24 * **1:6:** 2Tim 2:10 * **1:7:** Ro 8:17 * **1:8:** Mbañ 19:23+; 1Kor 15:32 * **1:9:** Yo 5:21

nighur ila ariaan nighre murei, isaav ighe patanani ivot payei muul, i pale igham mulin ghei. *

¹¹ Eemon yam aat auul ghei ve aghur ghei ila sunuun tsiam. I pale iloon sunuun tsiam, ve iuul ghei itaghon tauu poia tooni. Leso yamnja eval tiina lolomim poia pani, ve apakuru. *

Paulus ipaesia puughu tau itoor ngar tooni ve ila Korin mako

¹² Gabua tiina ee tau yei nipakur ghei pani, ene vene: Niyamaan ila lolomai nighre: Ngar tau nighamghamu irau nugh nugh ne, nitaghon ngar tau tamtamon to taan tipaiti ne mako. Poia to Maaron, tauta ipapaburigin ghei gha nibesbees pani toman lolomai eemon, ve nighamgham ngar tau ingalaan ila i maata. Ve ngar tane, yei nitotoi katini payam. *

¹³⁻¹⁴ Ve saveen tau niboode payam na, puughu eta iyoon mako. Saveen tsiei isov, ngara igheen ghazonja. Irau awaato mon ve aghazonj pani. Onoon, saawe tane, yam siriv aat aghazonj payei geeg soone. Eemon naghe le ngar tsiam ivot ve aghazonj kat payei. Leso saawe to Tiina toit Yesu imuul ilam, yam tintinmim payei, imin yei tintinmim payam. *

¹⁵⁻¹⁶ Muun, yau naghe yam tintinmim payau ve uraat tsiau. Tauta saawe tana, matag ingal naghe nalat naghit gham imin maata. Le isov, o nala taan sirivu to Masedonia. Ve saawe tau napul Masedonia, mako namuul nalat naghit gham muul, ve

* **1:10:** Ro 8:35+ * **1:11:** Ro 15:30+; 2Kor 4:15; Pil 1:19 * **1:12:**
1Kor 1:17, 2:4, 13; 2Kor 2:17; 1Tes 2:10 * **1:13-14:** 2Kor 5:12; Pil
2:16; 1Tes 2:19

yam aghur ghau gha malmalig nala pa Yudea. Leso Maaron ipalot gham pai ru itaghon laghoon ru tau naghama na. *

¹⁷ Eemon ngar tsiau tana ighur mako. Onoon, imin maata, yau nasaav payam naghe: “Yau pale natal.” Eemon murei, nator alinag naghe irau natal mako. Ve yam aghit ghau mindai? Aghe yau nagharaat poghania ngar tsiau mako, tauta natortoor alinag? Ma aghe naghama karom ve nambu sorokin saveen imin yes to titaghon ngar to taan, tauta saveen ru, “Vee” ve “Mako” ivotvot ila avog, ne?

¹⁸ Aloon. Maaron toit, i isasavia saveen onoon mon, ve itataghon saveen tooni. Ve yei tauvene paam. Irau nitortoor alinamai mako. *

¹⁹ Pasaa, Maaron Naatu Yesu Krisi tau yau gha Silas ve Timoti nivotia vaaru payam na, i itortoor alinaga mako. Isaav ighe i imbu saveen pa gabua eta ighe: “Vee, yau aat naghama,” ene irau itoor alinaga muul mako. Saawe isov, i itataghon saveen tooni. Ve ila uraat tooni, Maaron isaav: “Vee” pa saveen mbuaan tooni ta naol ne. *

²⁰ Pasaa, saa saveen tau Maaron imbua, ene Krisi ta ighama uratoini gha anoonja ivot. Tauta monmon isaav ighe tapait Maaron eeza pa tapiri ve poia tooni, iit tasavsav taghe: “Onoon” ila Yesu Krisi eeza. *

²¹⁻²² Maaron tauu ipapalot ghei tomani gham. Tauta iit tasov taleep tunja ila to Krisi. I isiigh ghiit tamin le, ve ighur Avuvu Patabuyaan ila loloon

* **1:15-16:** Mban 19:21; 1Kor 16:5+ * **1:18:** 1Kor 1:9; 1Tes 5:24

* **1:19:** Mban 18:5 * **1:20:** Ro 15:8+; Syg 3:14

wa. Avuvu tane imin ilaal pait ighe iit tamtamon to Maaron. Ve imin puughu pa gabua naol tau pale Maaron igham pait. Tauvene iit tawatagh: Saa gabua tau Maaron imbu saveenj pani na, i pale igham pait. *

²³ Saveenj tau naghe nasavia ne, ene onoon. Maaron iwataghi. Puughu ta nalat mako, ene vene: Yau lolog pa nasavia saveenj ariaanja payam, ve naghham gham lolomim isaghat sov.

²⁴ Aloonj. Yei nighe nitatan gham azi, ve ningin ghuruunj ila tsiam ne mako. Pasaa, yei niwatagh: Yam ayooz ariaan pa ghuruunj ila tsiam wa. Yei nighe itinja talup ghiit ve tagham uraat. Leso niuul gham ve aleep toman lolomim poia. *

2

¹ Pughu tau nalat mako, ene vene: Papazoge tau nalat tsiam, naghham saveenj ariaanja payam, ve igham lolomim isaghat. Ve ngar tsiau iyaryaan naghe gabua tauvene ivot muul sov. Tauta nalat mako.

² Pa ighe naghham lolomim isaghat, ene pale savunugha tigham ghau lolog poia? Mako. Pasaa, yam tau navaghamunia lolomim na, yam mon ta irau agham ghau lolog poia.

³ Tauta taug nalat mako, ve nabood rau ilat to napaduduunj gham. Pa naroi: Isaav ighe patajanj igheen sosoon ve nalat, ene pale agham ghau lolog isaghat. Eemon yau naghe le yam agham ghau lolog poia. Ve yau naghur ila tauvene: Ighe

* **1:21-22:** Ro 8:16+; 2Kor 5:5; Ep 1:13+; Syg 7:3+ * **1:24:** 1Pe 5:3

ataghon n̄gar tau igham ghau lolog poia, ene pale yam asov lolomim poia paam.

⁴ Rau ariaaṅa tana, matag suuru izizi ve naboode. Pa naghām n̄gar naol payam, ve lolog ipataṅan kat. Yau nabood rau tana to navaghāmunia lolomim mako. Nabooḁe payam, leso aghilaal aghe lolog igheen tsiam kat. *

Yes Korin irau tipul sosor to n̄eer tau igham sosor

⁵ N̄eer tau muuṅ igham ghau lolog ipataṅan na, i igham sosor payau mon mako. I igham yam asov lolomim ipataṅan paam. Eemon irau nayau avog pa gabua tane geeg mako. Pa aat naghām n̄eer tana loolo isaghat. *

⁶ Sosor tooni atuya tau yam eval aghuru pani to anḡal maata na, ene irao.

⁷ Tauvene aazne, yam irau apul sosor tooni, ve arav aate ve apaloti. Mako pale loolo isaghat le isaghat kat, ve pataṅani tana itatani. *

⁸ Tauvene yau naghe napalot gham to atotoi n̄gar poia pani, leso iwatagh ighe yam lolomim igheen tooni.

⁹ Puughu tau nabood rau ariaaṅa tana payam, ene vene: Naghe natoov gham ve naghita: Pale ataghon aliṅag pa n̄gar ta naol ne, ma mako?

¹⁰ Ve yam alooṅ aliṅag ve aghur atuya pa n̄eer tana wa. Tauvene aazne, yam irau lolomim isaghatini ve apul sosor tooni. Ve isaav ighe yam apul sosor to tamtamon eta, ene yau paam, napul sosor tooni. Saa sosor tau i igham payau na, ila

* **2:4:** Mbaṅ 20:31; 2Kor 7:8+ * **2:5:** 1Kor 5:1+ * **2:7:** Lu 17:3

Krisi maata, yau napul sosor tooni. Ene poia to naghham tauvene, leso nauul gham.

¹¹ Tauvene iit irau tapul sosor tooni. Mako pale Sadan itombaan ghiit ve iliiv ghiit. Pasaa, iit takankaan pa Sadan n̄gar tooni mako. Eez maata maata tau i itovtoov ghiit pani ne, iit tawatagh zi wa. *

Uraat tauu to yes mban̄ooŋa

¹² Saawe tau nala navot nugh Troas to navotia vaaru poia to Krisi pazi, naghita naghe Maaron ikaak ataman payau to naghham uraat izi ta sewe.

¹³ Eemon lolog ipatan̄an, ve naghham n̄gar naol. Pasaa, naghe pa naghita etag Titus izi ta sewe. Eemon mako. Tauvene yeŋa yes Troasa nivakisi nimamai le isov, ra napul zi, ve naburig gha nala pa taan sirivu to Masedonia. Leso nail Titus izi ta sewe. *

¹⁴ Ve yau napait Maaron toman lolog poia. Pasaa, saawe isov, i imun̄muun̄ payei ve ipapalot ghei pa uraat tsiei. Ila uraat to Krisi, yei nimin yes tau tilaagh tomania daaba to zaaba tau iparav ariiaan ve iliiv pa malmal tiina. *

Uraat tsiei, ene eez tau Maaron ipaghazon̄ai tam-tamon pa Krisi vaaru. Vaaru tawe, ene imin naunaun̄ poia ee tau vaazi ila irau nugh.

¹⁵ Onoon kat. Yei uraata to Krisi nimin naunaun̄ vaazi poia tau i igham pa Maaron imin watoon̄rau.

* **2:11:** Lu 22:31+ * **2:13:** 2Kor 7:5+ * **2:14:** Isaav igha zaaba to Rom tiliiv pa malmal tiina eta, ene tigherev koiazŋa siriv gha yesŋa timuul tila pa nugh tiina Rom. Mako zaaba tawe toman daaba toozi tilaagh ila nugh loolo tomania koiazŋa tawe, ve eval tiina tigherev zi ve tipakur zi.

Tamtamon tau nileep ila sosozi na, tisov tinuꞑuz naunaꞑ tane vaazi. Yes tau Maaron ighamgham uratoi zi leso igham mulin zi, ve yes tau titaghon eez to tilalez na paam.

¹⁶ Yes tau titaghon eez to tilalez na, tinuꞑuz nau-naꞑ tane vaazi poia mako, imin mateegha vazizi. Ve naunaꞑ tane pale imin puughu pa timaat gha tilalez. Ve yes tau titaghon eez to lepoogh poia na, tinuꞑuz naunaꞑ tane vaazi imin gabua poia kat. Pasaa, itotoi zi pa eez to tigham lepoogh poia ila to Maaron. Uraat tau Maaron ighuru ila nimamai, ene pataꞑani. Sei irao? *

¹⁷ Tamtamon katini tilaghlaagh ve tivovotia Maaron aliꞑa imin lezi eez to tiyau maet to tam-tamon. Eemon yei nipaak Krisi ve nileep ila tooni, ve Maaron tauu ighur ghei pa uraat. Ve yei niwatagh: Maaron ighitghita uraat tsiei. Tauta nighamgham uraat toman lolomai, ve nivovotia Maaron aliꞑa duduꞑ pa tamtamon. *

3

Uraat tau Paulus ighamu, ene itotoia ighe i mbaꞑoꞑa tauu to Krisi

¹ Mindai, saveꞑ tsiei tane, yei nisavia imin paitoꞑ taumai muul, leso aghur ila uraat tsiei? Mako. Onoon, tamtamon siriv tikis lezi rau to ipaghazoꞑai zi ighe ezazi pa uraat toozi. Eemon yei lemai puughu eta to nitotoi rau tauvene payam mako, ma nighason gham to abood rau tauvene payei ne mako. *

* **2:16:** 1Kor 1:18; 2Kor 4:3; 1Pe 2:7+ * **2:17:** 2Kor 1:12, 4:2; 1Tes 2:5; 1Tim 6:5 * **3:1:** 2Kor 5:12, 10:12

² Pasaa, yam taumim ta amin rau payei. Uraat tau nighamu ila sosomim gha anooŋa ivot, tauta itotoi ighe ezamai pa uraat tau nighamghamu ne. Saveeŋ isov to rau tana igheen ila yei lolomai, ve igheen ila yam lolomim paam. Rau tana, tamtamon tisov irau tiwaato ve tigham ŋgar pani, lesu tighur ila saveeŋ tsiei. *

³ Tauvene yam taumim amin rau to Krisi tau igheen ghazooŋa. Rau tana, ene uraat tau nighamu ila sosomim na anooŋa. Krisi iboode pa gabua eta imin gabgab mako. Iboode pa Maaron maata yaryaare Avuvu. Ve iboode ila maet babaŋazi imin Maaron igham pa tutuuŋ to Mose ne mako. I iboode ila tamtamon lolozi. *

⁴ Ila Maaron maata, yei nighur ila ariaaŋ nighe saveeŋ tane, ene onoon. Pasaa, Krisi ileep tomani ghei pa uraat tsiei.

⁵ Eemon yei irau nipait taumai mako. Pasaa, irau nigham uraat tauvene ila taumai tapirimai mako. Maaron ipapalot ghei, tauta nirao. *

⁶ Tauvene Maaron tauu igham ghei nirao pa uraat tooni. Tauta nimin besooŋa pa eez paaghu to i yesŋa tamtamon tooni tivalupu zi timin eemon. Eez tane, ene eez to taghoniin tutuuŋ tau tiboode na mako. Ene eez to Maaron Avuvu tau itortoor ghiit tamin paaghu. Pasaa, tutuuŋ tau tiboode na, ene igham ghiit tamaat. Ve Maaron Avuvu, i igham ghiit taleep poia ila to Maaron. *

Eez paaghu to Krisi iliiv eez mungaana to tutuuŋ

* **3:2:** 1Kor 9:2 * **3:3:** Igham 24:12; Yer 31:33; Ezek 36:27; 1Kor 3:5+; Hib 8:10 * **3:5:** Yo 15:5; 1Kor 15:10; Pil 2:13 * **3:6:** Yo 6:63; Ro 7:6; Ga 3:10+; Hib 8:6+

⁷ Eez tau muuᅇ tamtamon tibeesh pa Maaron, ene igham ghiit taleep ila eez to mateegh. *

Eemon saawe tau Maaron irav tutuuᅇ tawe ila maet, ve igham pa yes Israela, ene ilam toman mbonari ve tapiri tiina. Tauta yes Israela irau timarar Mose naagho malau mako. Pasaa, mbonari tawe tiina kat le ingowar matazi. Eemon mbonari tana igheen rigmon, ve isov. *

⁸ Ve eez paaghu tau aazne tabees pa Maaron, ene vene: Maaron Avuvu igham uratoi ghiit ve itoor ghiit tamin paaghu. Tauvene eez tane mbonari ve tapiri tiina kat iliiv eez muᅇgaana. *

⁹ Eez paaghu, i le mbonari ve tapiri tiina kat iliiv eez muᅇgaana. Onoon, eez muᅇgaana ilam toman mbonari ve tapiri tiina. Eemon eez tawe isaav pait tauvene: Iit aat tamaat pa sosor toit. Ve eez paaghu tau aazne tataghoni, ene igham ghiit taduduᅇ ila Maaron maata. *

¹⁰ Onoon, eez muᅇgaana ilam toman mbonari ve tapiri tiina. Eemon isaav ighe taghazooᅇ pa eez paaghu ᅇgara, ene aat taghita taghe eez muᅇgaana, le mbonari ve tapiri geeg mako. Pasaa, eez paaghu mbonari, ene tiina kat iliiv eez muᅇgaana.

¹¹ Saawe tau Maaron ivotia eez muᅇgaana to tutuuᅇ, ene ilam toman mbonari ve tapiri. Eemon eez tawe irau igheen le alok mako. Pale isov. Ve eez paaghu tane irau isov mako. Pale igheen tauvene taghon taghon gha ila. Tauvene, i le

* **3:7:** Eez muᅇgaana to tutuuᅇ, ene vene: Isaav ighe tataghon duduuᅇai tutuuᅇ tisev to Maaron, ene pale taleep poia. Ve ighe mako, ene pale aatyavyav to Maaron izaat toit. * **3:7:** Igham 34:1,

28; Hib 12:18 * **3:8:** Ro 7:6; Ga 3:2-5 * **3:9:** Ezek 18:4; Ro 3:21, 8:1+

mbonari ve tapiri tiina kat. *

¹² Yei nighur ila ariaañ tauvene, tauta niroi mako, ve nasavsaav ghazooᅇa pa tamtamon. *

¹³ Yei nimin Mose mako. Muuᅇ, i iponpoon naagho pa uuli sirivu. Leso yes Israela timarar naagho tau isul na sov. Pasaa, mbonari tawe igheen malau mako. Igheen rig, ve isov. *

¹⁴ Eemon yes Israela ᅇgar toozi iyaryaan, tauta tighilaal gabua tawe puughu mako. Ve aazne paam, isaav ighe tiwaat saveeᅇ to eez muᅇgaana, tighilaal puughu mako. Ene imin uuli sirivu iponpoon matazi soone. Pasaa, Krisi mon ta irau itir uuli sirivu tawe ighau pazi. *

¹⁵ Tauta muuᅇ ve ilam aazne, isaav ighe yes Israela tiwaat saveeᅇ to Mose, yes tighilaal puughu mako. Ene imin gabua eta iponpoon lolozi ve ᅇgar toozi.

¹⁶ Eemon isaav ighe tamtamon eta itoor ᅇgar tooni, ve ighur ila to Tiina toit, Krisi pale igham gabua tana ighau pani.

¹⁷ Tiina tau nasavia ne, ene Maaron Avuvu. Isaav ighe i ilepleep tomani ghiit, i aat ipas ghiit ila saghati tapiri. Leso tamin besooᅇa sorok muul sov. *

¹⁸ Aazne, iit taghazooᅇ pa Maaron. Gabua eta ipoon mataan muul mako. Pasaa, iit tasov taghita Neer Tiina mbonari tomania tapiri ve poia tooni ila to Krisi. I itotoi Neer Tiina naagho pait imin taghita Neer Tiina anunu ila natiloᅇa. Tauvene

* **3:11:** Ro 10:4; Hib 7:18, 8:13

* **3:12:** Mbanᅇ 4:13; Ep 6:19;

Pil 1:20 * **3:13:** Igham 34:33+

* **3:14:** Ro 11:7, 25; 2Kor 4:4

* **3:17:** Yo 8:32, 36; Ro 8:2, 15; Ga 4:6, 5:1

mataan ilala pani, ve Tiina toit Avuvu itortoor ghiit. Leso tagham naagho, ve anaan tatotoi mbonari tomania tapiri ve poia tooni pa tamtamon. *

4

Maaron igham ghazonja tooni isul ila loloon

¹ Maaron loolo isaghatin ghei ve ireu sosor tsiei, ve ighur uraat tane ila nimamai itaghon tauu poia tooni. Tauvene pataņani naol tau nibaad zi ne, irau itatan ghei, ve igham ghei nipul uraat tsiei tane mako. *

² Ngar mayaņa naol tau tamtamon tighamgham zi imin yonģaaņ na, yei nighur murimai pazi wa. Ngar tau yei nighamghamu ne, karom eta igheen ila loolo mako. Ve nivatorai Maaron aliņa mako. Nisavia dudunjaini. Pasaa, yei niwatagh: Maaron ighita uraat tsiei. Tauta nivovotia saveeņ onoon mon pa tamtamon, ve nisavsaav ghazonj pazi. Leso tighilaal ila lolozi tigde yei ezamai pa uraat tane. *

³ Onoon, tamtamon siriv, ene imin gabua eta ipoon lolozi ve ngar toozi. Tauta saawe tau nivotia vaaru poia pazi, tigham ngar pani mako. Tamtamon tauvene titaghon eez to tilalez. *

⁴ Vaaru poia isavia Krisi mbonari tomania tapiri ve poia tooni. Ve ipaghazonjaini ighe i njeer tau itotoi katin Maaron naagho pait. Eemon yes tau tighur ila mako na, tighilaal ghazonja to vaaru

* **3:18:** Yo 1:14; Ro 8:29; 1Kor 15:49; 2Kor 4:6 * **4:1:** 1Kor 15:10;
2Kor 3:6; 1Tim 1:12+ * **4:2:** 2Kor 2:17, 5:11; 1Tes 2:3+ * **4:3:**
1Kor 1:18, 2:14

poia mako. Pasaa, Sadan tau maaron karom to taan tane, i ipoon n̄gar toozi wa. *

⁵ Saawe tau nivotia mos, yei nisavsaav pa taumai mako. Nisavsaav pa tamtamon nighe: “Yesu Krisi, i Tiina toit. Ve yei besooŋa tsiam. I tauu imbaan ghei nilam to niuul gham.” *

⁶ Muuŋ geeg, Maaron isaav ighe: “Ghazooŋa aat ivot ve isul ila ndoroom loolo!” Maaron tawe mon, tauta igham ghazooŋa tooni isul ila yei lolomai paam. Leso nighilaal mbonari tomania tapiri ve poia tooni tau Krisi itotoia pait. *

Yes mbaŋooŋa timin uur tau tigharaat zi pa taan ve tighur kuaz popoia izila loloz

⁷ Yei mbaŋooŋa nimin uur tau tigharaat zi pa taan ve tighur kuaz popoia izila loloz. Yei tamtamon sorok to taan, ve tapirimai imbool. Eemon Maaron ighur ghazooŋa tooni ve tapiri izila lolomai, ve ighur uraat tooni ila nimamai. Leso itotoi tapiri ila uraat tsiei. Tapiri tawe, ene tiina le tiina kat. *

⁸ Yei, patanani naol ighamgham ghei. Eemon patanani tane itatan ghei mako. Monmon eez ivoolvool payei. Eemon lolomai isaghat mako. Pasaa, yei niwatagh: Maaron pale igham eez eta ivot payei. *

⁹ Tamtamon tighurghur patanani payei. Eemon Maaron ipul ghei mako. Patanani maata maata itatan ghei nizi. Eemon niburig muul. *

* **4:4:** Yo 1:14, 12:31, 14:9; Ep 2:2; Pil 2:6; Kol 1:15; Hib 1:3 * **4:5:**

Mbanj 2:36; 2Kor 1:24 * **4:6:** Gnp 1:3; Mt 4:16; Yo 8:12; 1Pe 2:9

* **4:7:** 2Kor 3:5, 12:9 * **4:8:** 2Kor 1:8, 7:5 * **4:9:** Ro 8:35+

¹⁰ Patanjani naol tau monmon nibadbaad zi ne, ene imin nipaak Krisi pa mateegh tooni. Eemon i ipapalot ghei ve niyooz ariaan pa badoon patanjani. Tauta nipaghazonjaini nighe i ileep maata yaryaare.

¹¹ Yei tamtamon to taan mon, ve tapirimai imbool. Ve saawe isov tau nileep izi taan, nilepleep ila mbuzaagh maata pasaa, yei nitaghon Yesu. Eemon niyozooz ariaan pa badoon patanjani. Gabuamai tane ipaghazonjai Yesu ighe i ileep maata yaryaare.

¹² Tauvene monmon nilepleep ila naal aavo. Eemon niuluul gham to agham lepoogh poia ila to Maaron.

¹³ Maaron aliinja tau tiboode na isaav ighe: “Yau naghur ila to Maaron, tauta nasavia.” Yei tauvene paam nighur ila to Maaron, ve nitaghon ghuruun ila tsiei ngara. Tauta nisasavia vaaru poia pa tamtamon.

¹⁴ Pasaa, yei niwatagh: Neer tau ipaburigin Tina toit Yesu pa mateegh na, murei pale ipaburigin ghei paam, raraate imin igham pa Yesu. Ve i pale igham ghiit tala tayooz ila naagho, ve ipavotvotin ghiit ighe: “Aghita. Ene tamtamon tsiau.” *

¹⁵ Patanjani naol tau nibadbaad zi ne, ene to iuul gham. Yei nighe poia to Maaron izazaa to eval tiina, lesu lolozi poia pani ve tipait eeza pa tapiri ve poia tooni. *

Paulus ighamgham ngar pa gabua tau tigheen le alok

* **4:14:** Ro 8:11; 1Kor 6:14; 1Tes 4:14 * **4:15:** 2Kor 1:6; Kol 1:24; 2Tim 2:10

¹⁶ Tauvene patañani naol tau nibaad zi ne, irau itatan ghei ve igham ghei nipul uraat tsiei ne mako. Onoon, anonjamaï ighe isaghat. Eemon ene gabua to muuri mon. Ve lolomai, saawe isov Maaron ighamgham uratoi ghei, leso itoor ghei nimin paaghu. *

¹⁷ Patañani naol tau nibadbaad zi ne, yei nighita nighe ene gabua tiina mako. Ene raurauai mon. Ve malau mako pale isov. Eemon patañani naol tane pale iuul ghei, leso ezamai tiina izi nugh sambam, ve nileep tomania Maaron ila mbonari tiina loolo le alok. Gabua poia tau pale ivot payei ne, ene iliiv kat pa patañani tsiei ta naol ne. *

¹⁸ Tauvene gabua tau taghit zi pa mataan ne, yei matamai ila pazi mako. Matamai ilala pa gabua tau irau taghit zi mako ve taloon varuzi mon. Pasaa, gabua tau taghit zi pa mataan ne, pale tigheen rig ve tisov. Ve gabua tau aazne iit irau taghit zi mako, ene pale tigheen le alok. *

5

Paulus ipasawal ighe ñeez o igham anoõña paaghu to nugh sambam

¹ Yei nighita anonjamaï to taan tane, ene imin dur sorok to anunumai ileep ilonj ila. Ve yei niwatagh: Isaav ighe tireu dur tane, Maaron pale igham lemai ruum tauu tau igheen izi sambam. Ruum tawe, tamtamon tigharaata pa nimazi mako. Maaron tauu igharaata. Ve ruum tana pale igheen le alok. *

* **4:16:** Is 40:29+; Ep 3:16; Kol 3:10

* **4:17:** Ro 8:17+; 1Pe 1:6+

* **4:18:** Ro 8:24; 2Kor 5:7; Hib 11:1

* **5:1:** 2Kor 4:7

2-3 Tauvene aazne, yei nipasawal ve nitanj nighe: “Oyai, ñeez o nileep ila niamai paaghu tawe?” Niamai tawe, ene anoñamai paaghu to sambam. Saawe tau niloñ nila, ene imin anunumai inonogh ghi pa nonoghiña paaghu. Leso nileep tinimai ñginaañja sov. *

4 Saawe tau nilepleep ilonj ila dur tsiei to taan tane, lolomai ipatañan ve nitanñan pa lepoogh to nugh sambam. Eemon lolomai pa nipul anoñamai to taan tane mako. Nighe anoñamai to taan ighengheen tauvene, le malmalimai niloñ nila anoñamai paaghu to sambam tau pale igheen le alok. Leso anoñamai to sambam iyol anoñamai to taan tane, imin tanonogh ghiit pa nonoghiña paaghu. * *

5 Maaron ighur ghiit to tagham lepoogh tauvene. Ve igham tauu Avuvu pait imin puughu pa gabua naol tau murei pale igham pait. *

6 Tauta saawe isov, yei niroi mako, ve niyooz ari-aañ. Onoon saawe tau nileep tomania anoñamai to taan, nileep soghan pa Tiina toit. Eemon yei niwatagh: Murei pale nila nileep tomania. *

7 Tauvene aazne, taghit katin gabua eta pa mataan soone. Lepoogh toit to taan, ene tataghon eez to ghuruñj ila. *

8 Nayol aliñag muul. Yei niroi mako ve niyooz

* **5:2-3:** Ro 8:23 * **5:4:** Saveñj ziiri tane ñgara tauvene: Paulus loolo pa imaat, ve anunu mon ila nugh sambam mako. I ighe Kriisi rekia imuul ilam. Leso imaat sov. Igham anoñja paaghu ve malmali ila nugh sambam. * **5:4:** Ro 8:11; 1Kor 15:53+ * **5:5:** 2Kor 1:22; Ep 1:13+ * **5:6:** Hib 11:13+ * **5:7:** 1Kor 13:12; 2Kor 4:18; Hib 11:1

ariaan. Ve lolomai nighe le nipul anonamai to taan tane, ve nila nileep tomania Tiina toit Yesu izi sambam. Pasaa, ene gabua poia kat iliiv lepoogh tsiei to taan. *

⁹ Tauta isaav ighe nileep soghan pa Tiina toit, ma nileep tomania izi nugh tooni, ene yei nizuari ghei pa ghamuun ngar tau i loloo pani. *

¹⁰ Pa murei, iit tasov aat tayooz ila Krisi naagho. Leso igabiiz ghiit, ve ighur atuya pa iit enaenja itaghon ngar tau taghamu izi taan na. Ngar popoia, ve ngar sasaghati paam. *

Iit leen uraat to tauul tamtamon, lesu yesja Maaron tivalupu zi timin eemon

¹¹ Tauvene yei niroi pa Neer Tiina. Tauta nizuari ghei nighe le nigham tamtamon titoor ngar toozi ila pani. Lolomai tomania ngar tsiei, ene igheen ghazonja ila Maaron maata. Ve nighe yam paam aghazon payei, ve aghilaal ila lolomim aghe yei nibesbees pa Maaron toman lolomai. *

¹² Yam agham ngar pa saveen tsiei tane mindai? Aghe nipait taumai muul, lesu aghur ila aghe yei ezamai pa uraat tsiei? Mako. Yei nisavia saveen tane, lesu apakur ghei pa uraat tau nighamu ne, ve irau ayol saveen to zeran siriv tau tileep tomani gham na. Zeran tana, tighamgham ngar pa tamtamon ezazi ve tipakur zi pa gabua to uliin mon. Ve gabua to loloon, yes tigham ngar pani mako. *

¹³ Tamtamon siriv tighit ghei tighu ngar tsiei ivaghamgham imin borauna. Ve siriv tighu ngar

* **5:8:** Pil 1:23 * **5:9:** Kol 1:10; 1Tes 4:1 * **5:10:** Mt 25:31+; Mbanj 17:31; Ro 2:16; Syg 20:12 * **5:11:** Mbo 139:1+; Hib 10:31; Jud 23 * **5:12:** 2Kor 1:14+

tsiei iduduun. Ene poia. Tauzi gha tisavsaa! Eemon uraat tsiei tane, nighamghamu to nipakur Maaron eeza, ve niuul gham. *

¹⁴ Ngar to Krisi tau loolo igheen toit kat na, ene ighamgham pooz payei ve ipapaburigin ghei pa ghamuun uraat tooni. Pasaa, yei nighur ila nighe neer eemon tawe ta igham tamtamon tisov niazi, ve imaat pa sosor toozi. Tauta yes tau tipaako pa mateegh tooni na, tisov tipul lepoogh toozi munngaana wa. *

¹⁵ Krisi imaat pa tamtamon tisov, leso yes tau tigham lepoogh paaghu ila tooni na, tileep titaghon tauzi ngar toozi muul sov, ve tileep titaghon ngar tau i loolo pani. Pasaa, i imaat pa sosor toozi, ve iburig pa mateegh, leso iuul zi. *

¹⁶ Tauvene aazne, yei nigabiiz tamtamon eta itaghon ngar to taan muul mako. Onoon, muun yei nigabiiz Krisi itaghon taan ngara. Eemon aazne, nigham ngar tauvene pani muul mako.

¹⁷ Isaav ighe tamtamon eta imin Krisi le, ve ileep ila tooni, ene Maaron igham gabua paaghu ivot. Ngar munngaana to tamtamon tana, ene isov, ve i igham lepoogh paaghu. *

¹⁸ Gabua isov tana ivot ila to Maaron. Aghita. Muun, koi isap itinja Maaron sosoon. Eemon ila uraat to Krisi, aazne itinja Maaron tavalupu ghiit tamin eemon wa. Ve i ighur uraat ila nimamai ighe niuul tamtamon, leso yesnja Maaron tivalupu zi timin eemon. *

* **5:13:** 1Kor 1:18-25 * **5:14:** Ro 5:15, 6:11+; 1Tim 2:6 * **5:15:** Ro 14:7+; Ga 2:20; 1Pe 4:2 * **5:17:** Yo 3:3-7; Ro 6:4; Ga 6:15; Syg 21:4+ * **5:18:** Ro 5:10; Kol 1:20; 1Yo 2:2

¹⁹ Muuŋ, koi isap iit tamtamon ve Maaron sosoon. Pasaa, tamamalaan pa tutuun tooni. Eemon ila uraat to Kriŋi, Maaron ireu sosor toit, ve ipasov koi tawe. Tauta aazne, maata kisin sosor toit muul mako, ve itiŋa tavalupu ghiit tamin eemon wa. Ve i ighur saveeŋ tooni ilam tsiei, lesu nivotia pa tamtamon, ve tiwatagh eez to yesŋa Maaron tivalupu zi timin eemon. *

²⁰ Tauvene yei nigham Kriŋi naagho, ve Maaron ivovotia aliinŋa payam ila avomai. Yeŋi nitaŋ rarai gham pa Kriŋi eeza nighe: “Atoor ŋgar tsiam ila pa Maaron. Lesu yamŋa avalupu gham amin eemon.”

²¹ Aghita. Kriŋi, i le sosor eta mako. Eemon Maaron ighur sosor toit izaa tooni ve imaat imin watoonrau to ireua. Lesu iit tau tapaak Kriŋi ne, tamin tamtamon dudunazi ila Maaron maata. *

6

¹ Yeŋa Maaron niluplup ghei pa uraat tooni. Tauvene nighe nipalot gham tauvene: Poia to Maaron tau izaa tsiam na, aat ipaburigin gham pa taghoniin Maaron ŋgar tooni. Lesu poia tooni tana ighur anoonŋa. Ighe mako, ene pale imin kaut sorok. *

² Maaron aliinŋa isaav tauvene:

“Yau taug naghur saawe to naghham mulin gham ve naghham poghani gham. Ve saawe tana duduun, naloon sunuun tsiam, ve nauul gham.” *

* **5:19:** Mbo 32:1+; Ro 3:23+; Kol 1:19+ * **5:21:** Is 53:6+; Ro 5:19; Ga 3:13; Pil 3:9; 1Yo 3:5 * **6:1:** 2Kor 1:24, 5:20; Hib 12:15 * **6:2:** Is 49:8

Aloonj. Saawe to Maaron igham mulin ghiit ve igham poghani ghiit, tauta aazne tazaa pani wa. *

Lepoogh to besooᅇa tauu to Krisi

³ Besooᅇ tsiei tau nighamghamu pa Krisi ne, yei nighe nitaghon ᅇgar tau iduduunj kat ila tamtamon matazi. Pa ighe nigham sosor eta, ve tamtamon tirere ghei, ene pale sosor tsiei tana ipoon zi ve tighur ila to Krisi mako. *

⁴ ᅇgar tsiei isov, ene itotoi ighe yei besooᅇa tauu to Maaron. Pasaa, pataᅇani maata maata ighamgham ghei, eemon niyooz ariaaᅇ pa badoonj zi. Monmon pataᅇani izazaa tsiei, ve saawe siriv, nighita nighe lemai eez muul mako. *

⁵ Tamtamon tiloslos ghei, ve tighurghur ghei nilonj nila ruum to yavyavuunj, ve nighamgham saghat ila malmal. Yei nirav taumai pa uraat to Krisi le tapirimai isov kat. Ve saawe naol, nighengheen poi mako, ve pitoltool ghei. * *

⁶ Yei nigham ᅇgar tau ingalaan mon ila Maaron maata, ve nighazoonj pa ᅇgar tooni, ve nighamgham poghania tamtamon. Ve isaav ighe tigham saghatin ghei, ene niyai ghei ve nibaado mon. Avuvu Patabuyaanj ilepleep tomani ghei, ve nighur lolomai pa tamtamon kat. *

⁷ Yei nisavsavia saveeᅇ onoon mon, ve Maaron tapiri ipapalot ghei. Gabua tsiei to malmal, ene

* **6:2:** Lu 4:18+; Hib 3:13

* **6:3:** Ro 14:13; 1Kor 8:13, 10:32

* **6:4:** 2Kor 4:9+

* **6:5:** Eez ite to tatoor ziiri tane, ene vene:

“Saawe naol, yei nighengheen poi mako. Nimamaat ve niᅇgun taumai pa ghaniin aniin, leso matamai ingal sunjuunj.” * **6:5:**

Mbaᅇ 16:23; 2Kor 11:23+ * **6:6:** Ro 12:9; 2Kor 4:2; Ga 5:22; Kol 3:12; 1Tim 4:12

ngar tau iduduunj ila Maaron maata. Ngar tane imin iiz tau nipaparav pani, ve imin sigheu tau niponpoon taumai pani. *

⁸ Saawe tau nigham uraat to Maaron, tamtamom siriv tipait ezamai, ve siriv tivelegh ghei tighe yei tamtamom sorok. Tamtamom siriv tipait varumai, ve siriv tivaghamunia ezamai. Tamtamom siriv tighit ghei tighe yei besoonja tauu to Maaron, ve siriv tighe yei nigham karom ve nipaghau tamtamom pa eez to Maaron.

⁹ Tamtamom siriv tighazonj payei, ve siriv tikankaan payei. Saawe siriv, nigham ngar nighe paita nimaat. Eemon nimaat mako. Patanjani siriv tau tivot payei, ene to ipaduduunj ghei. Eemon irav ghei nimaat mako. *

¹⁰ Onoon, patanjani naol tau nibadbaad zi, ene igham ghei lolomai ipatanjan. Eemon Maaron igham ghei lolomai poia irau saawe. Ye nileep imin mbolaanja. Eemon niuluul eval tiina le tirau kat pa ghamuunj gabua popoia ila to Maaron. Ye lem ai gabua eta mako. Eemon nirao pa gabua naol isov. *

Paulus ivotia loolo pa yes Korin

¹¹⁻¹² O yam Korin, yei lolomai ighen tsiam kat, tauta nisavia saveenj naol tane payam. Leso awatagh katin lolomai. Eemon nighita nighe yam aponpoon lolomim payei soone.

¹³ Yau nasaav payam imin natugnja yam: Apon lolomim payei muul sov. Aghur lolomim payei, imin yei nighur lolomai payam. *

* **6:7:** 1Kor 2:4; 2Kor 10:4 * **6:9:** Mbo 118:18; 2Kor 4:9+ * **6:10:** 2Kor 7:4, 8:9; Pil 2:17 * **6:13:** 1Kor 4:14

Taghur muriin pa ngar sasaghati

14 Alooŋ. Yes tau tighur ila to Krisi mako na, yam apaak zi sov. Pa ngar toozi imin yam mako. Yes tau titaghon ngar duduunja ve yes tau timalaan pa Maaron tutuun tooni na, pale tilup zi pa uraat mindai? Ghazoonja ve ndoroom irau tilup zi? Mako.*

15 Ma Krisi yesuru Sadan † tigham ngar raraate? Isaav ighe tamtamon ee ighur ila to Krisi, ve ite ighur ila mako, saa gabua irau ilup yesuru? Mako.*

16 Yam awatagh: Iit tamin Maaron maata yaryaare rumei tooni. Mindai, irau rumei tooni ipaak maaron karomnja rumei toozi? Mako. Saveenja, Maaron isavia pataghaan wa. Ighe:
“Yau pale naleep tomani zi, ve nalaghlagh ila sosozi.

Ve yau pale namin Maaron toozi, ve yes timin tamtamon tsiau.”*

17 Tauta Maaron isaav muul ighe:
“Apul zeran sasaghati tana tileep, ve ala aleep soghan pazi.

Ve gabua tau ighe ingalaan mako, na agharauu sov.

Leso naghham gham toman lolog poia.*

18 Ve yau namin tamamim,
ve yam amin natugnja ve natug livanja.
Saveenj tane, ene Maaron saksaki tauu aliinja.”

*

* **6:14:** 1Kor 5:9+; Ep 5:6, 11; 1Yo 1:5+ † **6:15:** Paulus ibood Belial (o Beliar). Belial, ene Sadan eeza ite. * **6:15:** 1Kor 10:20+

* **6:16:** Wkp 26:12; Ezek 37:27; 1Kor 3:16; Syg 21:3 * **6:17:** Wkp 5:2; Is 52:11; Syg 18:4 * **6:18:** Ro 8:14; Syg 21:7

7

¹ Yam zeran tsiei, lolomai igheen tsiam kat. Aghita. Maaron igham leen saveen mbuaan popoia naol tane. Tauvene ngar isov tau ivaghamunia anonaan ma anunuun, ve igham ghiit tasaghat ila Maaron maata na, tapuliir zi tileplez. Ve taroi pa Maaron, ve taghur tauun tamin i le kat, ve tataghon ngar patabuyaan mon imin i tauu. *

Paulus loolo poia kat pasaa, yes Korin titoor ngar toozi wa

² Yam tonvetaz, apoon lolomim payei muul sov. Akaak lolomim payei lak! Pa yei nigham sosor pa tamtamon eta, ma nivaghamunia tamtamon eta, ma nigham karom to niium gabua to tamtamon eta, ene mako. *

³ Saveen tsiau tane, yau nasavia to nasees matamim mako. Naghe napaduduun gham mon. Yau nasaav payam wa. Lolomai igheen tsiam kat. Tauvene isaav ighe talepleep, ma tamaat, ene gabua eta irau irav motin lupuun toit mako.

⁴ Yau nasaav ghazona payam. Lolog ruru payam mako. Yau naghit gham naghe yam arao kat. Tauta agham ghau tintinig. Onoon, patanani naol ighamgham ghei. Eemon ngar tau yam aghamghamu na, ene ipalot ghau, ve igham ghau lolog poia le poia kat.

⁵ Saawe tau nila nivot taan sirivu to Masedonia, yei lemai sooso eta to mariaon mako. Pasaa, patanani maata maata injarui ghei. Yenja tamtamon

* **7:1:** 1Tes 4:7; Hib 10:22; 1Pe 1:15; 1Yo 3:3 * **7:2:** Mbanj 20:33; 2Kor 6:12, 12:17

nivavazorai ghei. Ve nigham n̄gar naol ila lolomai ve roin̄ tiina igham ghei. *

⁶ Eemon Maaron toit, i N̄eer to palotiin̄ yes tau patan̄ani itatan zi na. Tauta igham Titus ilam peria tsiei izi Masedonia, leso ipalot ghei, ve irav atemai. *

⁷ Ve tane mon mako. Gabua ite tau ipalot ghei, ene vene: Saawe tau Titus ilam, i ipaesia varumim payei ighe saawe tau ilat peria tsiam, yam apaloti ve arav aate. Ve ipaes payei ighe lolomim ipatan̄an kat pa patan̄ani tau muun̄ ivot ila sosoon, ve apasawal aghe le aghit ghau muul, ve n̄gar tsiam iyaryaan̄ kat aghe apaak ghau pa n̄gar tsiau. Saveen̄ tooni tawe igham ghau lolog poia le poia kat.

⁸ Yau nawatagh: Rau tau naboode payam na, aat igham gham lolomim isaghat. Eemon lolog ipatan̄an pa gabua tawe mako. Onoon, muun̄ lolog ipatan̄an pani. Ve aazne mako. Pasaa, naghita naghe lolomim ipatan̄an rigmon, ve isov. *

⁹ Tauta aazne lolog poia. Eemon lolog poia pa lolomim tau isaghat na mako. Yau lolog poia pasaa, saawe tau lolomim isaghat, yam atoor n̄gar tsiam. N̄gar to loloon ipatan̄an pa sosor toit ve tator n̄gar toit, ene itaghon Maaron n̄gar tooni. Tauta rau tsiei tana ivaghamun gham mako.

¹⁰ Isaav ighe loloon ipatan̄an itaghon Maaron n̄gar tooni, ene igham ghiit tator loloon, leso Maaron igham mulin ghiit. N̄gar tauvene, sei irau loolo ipatan̄an pani? Mako. Eemon isaav ighe loloon ipatan̄an imin yes tau titaghon n̄gar to taan, ene aat

* 7:5: Mban̄ 20:1 * 7:6: 2Kor 1:3, 2:13 * 7:8: 2Kor 2:4

igherev ghiit pa mateegh. *

¹¹ Aghita. Saawe tau agham rau tsiau ve lolomim isaghat itaghon Maaron ngar tooni, yam irau asañan mako. Rekia ve agharaat taumim. Pasaa, ngar tsiam iyaryaan agha apaghazonai taumim, leso yau nawatagh: Patañani tau ivot na, yam aleep ila loolo mako. Yam aroi pa Maaron, ve agha ataghon dudunai ngar tooni. Tauta aghur atuya pa neer tau igham sosor na. Ve aazne, apasawal agha le aghit ghau muul. Ngar tsiam isov tana itotoi ighe patañani tau ivot na, yam sosor tsiam mako.

¹² Saawe tau nabood rau tana payam, yau naghham ngar tiina pa neer tau igham sosor tana, ma tamtamon tau i igham sosor pani na mako. *
Yau naghe yam apaghazonai taumim ila Maaron maata agha yam lolomim igheen tsiei ve apaak ghei pa ngar tsiei. Tauta nabood rau tana.

¹³ Tauvene ngar tau yam aghamu na, ene ipalot ghei, ve irav atemai. Ve gabua ite. Titus ipaes payei ighe i loolo poia kat pasaa, saawe tau i ilat, yam asov aghamu toman lolomim poia. Tauta aate izi, ve igham ngar naol muul mako. Ngar tsiam tana ipalot ghei paam, ve igham lolomai poia kat.

¹⁴ Muun, yau nasavia varumim pa Titus ve napait gham pa ngar tsiam. Saveen tsiau tawe igham ghau mayag mako. Pasaa, alinamai tau nisavia pani imin paitoon gham na, ene onoon. I tauu ighita wa. Tauvene saveen tsiei tawe onoon,

* **7:10:** Mbo 38:18; Lu 18:13+ * **7:12:** Mos ziiri tane, Paulus isavia neer ee tau muun izoor aliinã ve igham sosor. Eemon i loolo pa watoon neer tawe eeza ivot ighazon mako.

raraate imin saveeņ isov tau yei nisasavia payam na paam, ene onoon mon.

¹⁵ Titus paam loolo igheen tsiam kat. Pasaa, maata iņgalņgal saawe tau i ilat tsiam. Yam atandagh pani ve aghamu toman lolomim poia, ve yam asov alooņ aliņa. Pasaa, aroi pa Maaron ve aghe ataghon ņgar tooni. *

¹⁶ Tauvene aazne, yau lolog poia le poia kat. Pasaa, yau naghur ila ariaaņ naghe yam aat ataghon katin Maaron ņgar tooni.

8

Paulus ipalot yes Korin ighe tiuul tamtamon to Kriši tau tileep izi Yudea ve mbolaaņ igham zi

¹ Yam toņvetaz, yei nighe yam awatagh: Poia to Maaron ipaburigin lupuuņ to Kriši tau tileep izi taan sirivu to Masedonia le tigham ņgar poia kat. *

² Onoon, yes tileep ila patañani tiina loolo, ve mbolaaņ igham zi le tileep saghat kat. Eemon tigoog maet tiina kat to tiuul tamtamon to Kriši tau tileep saghat izi Yerusalem. ņgar toozi tawe, tighamu toman lolozi poia kat. Pasaa, yes matazi reiņ gabua. *

³ Taug naghita ņgar toozi wa. Tauvene naghe napaes payam: Maet tau tigooga pa uleeņ na, tiina kat. Tighur irau to yes tighuru, ve tighur siriv paam izala paavo. Tauzi lolozi tighe tigham tauvene.

⁴ Pasaa, ņgar toozi iyaryaaņ kat tighe yes paam tighur nimazi pa uleeņ Maaron tamtamon tooni

* **7:15:** 2Kor 2:9 * **8:1:** Ro 15:26+ * **8:2:** Mk 12:44; Ro 12:8

tau mbolaan igham zi na. Tauta tinoknok ghasoniin ghei le niyok pazi. *

⁵ Yei nighe pa tigham ngar tane mon. Eemon mako. Imin maata, yes tighur tauzi toman lolozi isov ila pa Tiina toit, ve tighur tauzi payei paam, itaghon Maaron loolo.

⁶ Uraat to uleen tane, poia to Maaron imin puughu pani, ve Titus ipaburigin ila sosomim wa. Tauta yei nisaav pani to ipalot gham pani le apasovu kat.

⁷ Maaron Avuvu irei tapiri tomania uraat ve ngar maata maata payam le arau kat. Yam aghur ila ariaan, avovotia Maaron aliiņa pa tamtamon, aghazon pa ngar tooni, ve tinimim ibees pa uraat tooni. Ve uraat tau nighamu ila sosomim na, ene ipaburigin gham, tauta lolomim pa Maaron ve tamtamon paam. Uraat to uleen tamtamon, ene ngar ite tau poia to Maaron ipapaburigin ghiit pani. Tauvene yam arao paam, ve matamim reirei, o poia. *

⁸ Alinag tane, nasavia imin tutuun payam mako. Yau naghe natoov gham, leso naghita: Yam aghur lolomim pa Maaron ve tamtamon kat, imin yes siriv tau tinizi ibees pa uraat tane, ma mako?

⁹ Poia to Tiina toit Yesu Krisi, yam awataghi wa. Muun, i irao pa gabua ta naol ne. Eemon ipuliir gabua tooni tawe tisov tizi tighen, ve izilam taan gha ileep imin neer mbolaan, leso iuul gham, ve igham gham arau kat pa gabua to Maaron. *

¹⁰ Tauvene yau naghita naghe: Yam apasov

* **8:4:** Mban 11:29; 2Kor 9:1+ * **8:7:** 1Kor 1:5, 16:1+ * **8:9:** Mt 8:20; Pil 2:6+

uraat tane le isov kat, o poia. Ndaman tau ila wa, lolomim ipazaagh gham pa uraat to uleen tane, ve apaburigin imin maata.

¹¹ Uraat to uleen tau lolomim ipaburigin gham pani na, yam irau tinimim ibees pani, ve agham uratoini le apasovu kat. Yam aat aghur irau to aghuru. Isaav ighe lemim maet tiina, aghur tiina. Ighe lemim tiina mako, aghur n̄giira.

¹² Pa ighe iit leen gabua eta, ve loloon taghe tagham pa Maaron, i pale loolo poia pani. Ve ighe leen gabua mako, ene poia. Maaron irau ighur maata pait to tagham gabua tauvene pani ne mako. *

¹³ Ngar tsiam ikau pa saveeñ tsiau tane sov. Yau naghe yam auul tamtamon siriv tileep poia, ve taumim aleep saghat ne mako. Naghe yam asov aleep raraate.

¹⁴ Aazne, yam arao pa gabua naol. Tauvene yam irau auul zi pa mbolaan̄ toozi. Ve murei, isaav ighe yes tirao pa gabua siriv tau yam ambool pani, ene pale anazi tiuul gham. Leso yam asov aleep raraate. *

¹⁵ Yam irau ataghon n̄gar tau muuñ ivot pa yes Israela, indeeñ saawe tau tiyau aniiñ manna na. Saveeña tiboode pataghaan̄ tauvene:

“Yes tau tiyau tiina na, tighan le tipasovu kat. Avozi muuri rigta izi mako. Ve yes tau tiyau n̄giira mon na, tauvene paam. Timbool mako. Tighan le apozi isun̄.” *

Paulus imbaan̄ zeran tol to tiuul yes Korin

* **8:12:** Mk 12:43; 2Kor 9:7; 1Pe 4:10 * **8:14:** 2Kor 9:12+ * **8:15:** Igham 16:18

¹⁶ Yau napait Maaron toman lolog poia. Pasaa, i igham Titus ighur loolo payam kat. Tauta i ighe iuul gham, raraate imin yei nighe niuul gham.

¹⁷ Saawe tau yei nighasoni to ilat ighit gham, i iyok pa aliñamai. Ve tauu loolo ighe ilat ighit gham paam. Pasaa, i ighur loolo payam kat ve ighe iuul gham.

¹⁸ Ve yei aat nimbaañ toñvetaz toit ite lesu yesuru Titus tilat. Neer tane, lupuuñ to Maaron tisov tipapait eeza pa uraat tooni to votiaañ vaaru poia.

¹⁹ Ve tane mon mako. Lupuuñ to Krisi tighuru, lesu yeña nilaagh pa uraat tane. Uraat to uleer tane, poia to Maaron ipaburiginini ila sosoon. Ve yei nighe nighamu to nipait Tiina toit eeza, ve nipaghazonai taumai nighe yei tinimai ibees pa uraat to uleer Maaron tamtamon tooni.

²⁰⁻²¹ Ye i niwatagh: Tamtamon pale tighur maet tiina pa uleer toñvetaz toit tau mbolaañ igham zi na. Tauvene yei nighe niñgin poghania maet tau nigham zi ne, ve nigham ñgar tau iduduun mon ila Tiina toit maata, ve tamtamon matazi paam. Leso tamtamon tiyau avozi payei sov. *

²² Ve yei aat nimbaañ toñvetaz toit ite paam ilat tomania zeran ru tawe, lesu yes tol tilat payam. Neer tane, yei nighur uraat maata maata ila niima, ve nighita nighe tiini ibesbees pa uraat to Maaron. I ighur ilat tsiam ariaañ ighe yam aghur lolomim pa uraat tane kat, tauta ighe iuul gham.

²³ Tauvene Titus, yam awataghi wa. Pasaa, yeiru niluplup ghei pa uraat tau nighamghamu ila sosomim. Ve toñvetaz toit ru tau nasavi zi payam

* **8:20-21:** Ro 12:17+; 2Kor 6:3; 1Pe 2:12

na, yesuru tigham lupuun to Krisi naagho ve tilat. Uraat toozi tomania ngar tau tighamghamu na, ene ipait Krisi eeza, ve ipaghazonjai tapiri tomania poia tooni.

²⁴ Tauvene isaav ighe yes tol tilat peria tsiam, na agham zi ve atotoi ngar poia pazi. Leso tiwatagh tigde yam lolomim pazi, ve lupuun tisor to Krisi tiwatagh tigde: Saveen tau muun nisavia to nipait varumim na, ene onoon.

9

Paulus ipalot tamtamon to Akaia, lesu yes paam tigoog maet pa yes Yerusalema

¹⁻² Aiyo, yam tau aleep izi taan sirivu to Akaia na, irau nabood saveen malaua payam mako. Pasaa, yau nawatagh: Ngar tsiam iyaryaan aghe auul Maaron tamtamon tooni tau mbolaan igham zi na. Ene imin besoon tsiam ila pa Maaron. Monmon, yau napapait varumim pa zetaanja to Masedonia. Pasaa, ndaman tau ila wa, yam agoog maet ve aghuru gha isaan. Ngar tsiam iyaryaan kat aghe agham uraat to uleen tane, tauta ipaburigin eval tiina to Masedonia paam.

³ Tauvene yei nipait varumim ve nisaav pazi nighe yam agoog maet wa. Puughu tane ta yau naghe nambaan Titus tomania tonvetaz toit ru tawe timuun tilat, lesu tiuul gham pa uraat tane. Mako pale saveen tau nisavia imin paitoon gham na imin kaut sorok.

⁴ Yau naghur ila ariaan naghe yam pale agharaat gabua imin abumim ve isaan. Eemon isaav ighe yeja tamtamon siriv to Masedonia nilat, ve tighit gham agharaat gabua soone, ene

pale mayag pa alinag tau nasavia to napait gham na, ve yam paam pale mayamim.

⁵ Matag injal tane, tauta naghe nambaan tonvetaz toit tol tana timuunj tilat. Leso yamña agharaat maet tau agooga itaghon saveen mbuaan tsiam na, ve isaan pataghaan. Maet tana pale itotoi poia to Maaron pa tamtamon tooni. Yau lolog pa nalat nazozonook payam ve aghur gabua ne mako. Yau naghe agham gabua tiina toman lolomim.

⁶ Matamim injal: Isaav ighe tamtamon eta ivazogh aniin njiira, ene pale saawe to taitain, i aat ighita anoonja njiira mon. Ve tamtamon tau ighe ivazogh aniin katini, ene pale ighita anoonja katini. *

⁷ Tauvene maet piiz tau tamtamon enaenja tighuru itaghon tauzi lolozi, ene poia. Eemon isaav ighe yam anjuruut gabua tsiam, ve tizozonook payam ila ila le aghuru, ene poia mako. Pasaa, Maaron loolo pa yes tau tireirei gabua toozi toman lolozi poia.

⁸ Maaron, i irau ighur poia tooni tiina iza tsiam ila eez maata maata. Leso yam arau kat pa gabua naol isov irau saawe, ve irau agham uraat popoia ta naol ne. *

⁹ Saveenja tiboode pataghaan wa. Ighe:

“Neer poia, i ireirei gabua tooni pa yes mbo-
laanja.

Tamtamon tauvene, ngar tooni duduunja pale
igheen ariaan taghon taghon gha ila.” *

* 9:6: Lu 6:38; Ga 6:7+

* 9:8: Lp 28:27; Pil 4:19

* 9:9: Mbo

112:9

¹⁰ Yes tau tivavazogh aniiᅇ na, Maaron igham lezi aniiᅇ uuve. Ve i igham aniiᅇ pa iit tasov. I pale igham gabua tsiam ivot katini, leso arei tiina ila pa yes mbolaanᅇa. Ngar tauvene iduduunᅇ ila i maata, ve ighur anoonᅇa popoia maata maata.

¹¹ Tauvene Maaron pale igham gham arau kat pa gabua naol isov. Leso yam irau agham uleenᅇ pa tamtamon irau saawe. Ve saawe tau yei nigham gabua tsiam ila peria to yes tau mbolaanᅇ igham zi na, yes pale lolozi poia pa Maaron, ve tipakuru pa uleenᅇ tau yam agham pazi na.

¹² Uraat tane, yam aghamu imin besoonᅇ tsiam ila pa Maaron. Uleenᅇ tsiam pale ipasov mbolaanᅇ to tamtamon tooni. Ve tane mon mako. Pale igham eval tiina lolozi poia pa Maaron, ve tipaiti kat pa poia tooni paam. *

¹³ Ngar tsiam tau agha arei gabua tsiam ve ayambaar uleenᅇ ila pa yes mbolaanᅇa na, ene itotoi gham ighe yam aghur ila vaaru poia to Krisi, ve ataghon aliinᅇa. Tauvene tamtamon tau tigham uleenᅇ ilat tsiam na, pale tipait Maaron eeza pa tapiri ve poia tooni.

¹⁴ Ve lolozi igheen tsiam, ve matazi inᅇgal gham ila sunᅇunᅇ toozi. Pasaa, tighita poia tiina to Maaron igheen tsiam.

¹⁵ Iit lolozi poia pa Maaron ve tapakuru! Pasaa, i igham leen gabua tau poia le poia kat. Isaav ighe tasavia gabua tawe, ene pale tasavia mindai? Pa saveenᅇ eta irao mako. *

10

* **9:12:** 2Kor 4:15, 8:14 * **9:15:** Yo 3:16; 1Pe 1:8-9

Paulus iyol saveen ngaliin to tamtamon siriv

¹ Tamtamon siriv tingalngal saveen payau tighe saawe tau naleep tomani gham, yau naroiroi ve nasasavia saveen popoia mon payam. Ve ighe naleep soghan payam, ene napakur taug ve avog iyaryaan payam. Tauvene yau Paulus naghe napalot gham pa saveen siriv. Saveen tau naghe nasavia, ene nasavia toman ngar marowa ve ngar to natatan taug imin Krisi itaghoni. *

² Yau nawatagh: Zeran siriv tighe yei nitaghon Maaron ngar tooni mako. Tighe nitaghon ngar to tamtamon mon. Zeran tawe aat tiyamaan zi. Pa ighe nilat, ene irau naroi pazi mako. Pale nayaon zi toman saveen ariajaan. Eemon lolog pa naghham ngar tauvene mako. Tauvene natan rarai gham naghe agharaat ngar tsiam. *

³ Onoon, aazne yei nileep izi taan. Eemon nipaparav imin yes tau titaghon taan ngara ne mako.

⁴ Pasaa, zaab to malmal tau yei nipaparav pani, ene to taan mako. Ene zaab tau Maaron igham payei, ve i tauu tapiri igheen ila. Tauta ruum ariajaan tau koiamainja tiyonjooon ila lolozi na, yei irau nireu mbirisai zi tizi. *

⁵ Zeran siriv tipapait tauzi pa ngar toozi, ve avozi iyaryaan pa ngar karom naol tau iponpooon eez pa yes tau tighe tiwatagh Maaron na. Zeran tauvene, yei nireureu ngar ve saveen karom toozi isov. Ve nitatan ngar toozi sasaghati, ve nigham ngar toozi isov imuul ila pa Krisi. Leso titaghon ngar tooni, ve tileep ila i saamba. *

* **10:1:** Mt 11:29; 1Kor 2:3; Pil 2:5+ * **10:2:** 1Kor 4:21 * **10:4:**

2Kor 6:7; Ep 6:13+; 1Tim 1:18 * **10:5:** 1Kor 1:19

⁶ Yei nighur matamai ilat tsiam mon. Ighe yam aloonj alinjamai ve ataghon saveenj tsiei, ene yei aat nighur atuya pa tamtamon tisov tau tizoroor saveenj na.

⁷ Aloonj. Yam agabiiz gabua paavo mon sov. Agabiiz poghania loolo tooni paam. Isaav ighe tamtamon eta igham ngar ighe i to Kriisi, i aat iwatagh ighe yei paam to Kriisi, ve Kriisi tauu ta ighur ghei pa uraat tooni. *

⁸ Onoon, saveenj tsiau tane, ene imin napait ezamai pa uraat tau nighamghamu ne. Eemon mayag mako. Pasaa, yei ezamai pa uraat tane. Tiina toit ighur ghei pa uraat tane to nivaghamun gham mako. I ighe nipalot gham. *

⁹ Tauvene agham ngar aghe rau tau nabood zi payam na, ene to naparoi gham sov.

¹⁰ Tamtamon siriv tisavi ghau tigde: “Saveenj tau i iboode ila rau na, ariaanja ve toman tapiri. Eemon isaav ighe tauu ilam peria, ene taghita taghe i le tapiri mako, ve ivaghamgham pa savsaveenj. Saveenj tooni anoonja mako.”

¹¹ Zeran tana irau tigham ngar poi. Pa saveenj tau nileep malau ve niboode payam na, isaav ighe nilat gha itinja taleep, ene pale nitaghon saveenj tana ngara. *

Paulus ighe i le eeza pa ghamuunj uraat izi Korin

¹² Yei nimin zeran siriv mako. Yes tiliiv ghei kat. Pasaa, ngar tau tighamghamu na, yei irau nighamu mako. Yei mayamai pa paitoonj taumai ezamai. Eemon yes mayazi pa ghamuunj ngar

* **10:7:** Yo 7:24; 2Kor 11:23; 1Yo 4:6 * **10:8:** 2Kor 13:10 * **10:11:** 2Kor 13:2

tauvene mako. Tighe yes tirao kat. Pasaa, saawe tau tigabiiz tauzi, yes tigham n̄gar pa Maaron aliija mako. Tigabiiz tauzi tomania to zetaz̄na n̄gar toozi. Zeran tauvene, lezi n̄gar mako. *

¹³ Yei irau nipakur ghei sorok imin zeran tana mako. Isaav ighe nipakur ghei, ene nipakur ghei pa uraat tau nighamu izi nugh tau Maaron ighuru payei na. Nugh tana, yam Korin aleep ila paam. Ve nugh tau ighe lemai ezamai to nigham uraat pani mako, ene irau nimalaan̄ ve nila nigham ta sewe mako. *

¹⁴ Nugh tau Maaron ighuru payei to nigham uratoini na, yei nimalaan̄ pani mako. Yam Korin aleep ilon̄ ila paam. Ve yei ta nilat ve nivotia vaaru poia to Krisi payam imin maata. Tauvene yei ezamai pa ghamuun̄ uraat ila yam sosomim. *

¹⁵ Yei irau nipakur ghei pa tamtamon siriv uraat toozi mako. Uraat tau taumai nighamu izi nugh tau Maaron ighuru payei to nigham uratoini, o nipakur ghei pani. Uraat tau nighamghamu ila sosomim to nipalot ghuruun̄ ila tsiam, yei nighe ivot imin tiina.

¹⁶ Leso imin eez payei to nivotia vaaru poia izi nugh siriv tau tighengheen soone. Yam Korin ve taghon gha ila. Pa lolomai pa nipakur ghei pa uraat tau tamtamon ite ighamu ne mako. Tauvene nighe le nila nugh tau tamtamon tigham uratoi zi soone, o poia. *

¹⁷ Maaron aliija isaav ighe:

* **10:12:** Lu 18:9-14 * **10:13:** Ro 12:3, 15:18 * **10:14:** 1Kor 3:5

* **10:16:** Ro 15:20

“Tamtamon tau loolo pa n̄gar to pakuruun, na i aat ipakur N̄eer Tiina.”*

¹⁸ Isaav ighe tamtamon eta ipait tauu, ene takankaan: Maaron loolo poia pani, ma mako? Ve ighe Maaron tauu ipait tamtamon eta, ene tawatagh taghe i loolo poia pani. *

11

Paulus iveveen yes Korin pa mbanjoonja karomnja

¹ Yau naghe naghham n̄gar to boraunja rig. Mindai, irau ayok payau?

² Aghita. Yau nasiigh gham pa Krisi wa. Ve n̄gar tsiau iyaryaan naghe le n̄gar tsiam isov ingalaan mon, ve naghur gham ala tooni, imin livaa mbiu tau tighuru ila to tamoot. Pasaa, Maaron n̄gar tooni iyaryaan ighe tamtamon tooni tighur lolozi ve n̄gar toozi isov ila pani mon. *

³ Aazne, yam ataghon n̄gar ngalaanja ve aghur lolomim isov in̄arui Krisi. Eemon naroi pa aat tamtamon siriv tikau n̄gar tsiam, imin muun moot igham karom pa Eva ve itombaana, mako apul n̄gar tana. *

⁴ Pasaa, yau nawatagh: Tamtamon siriv tilat tileep tomani gham, ve saveen tau tivovotia pa Yesu na, ene raraate imin saveen tau muun yei nisavia payam na mako. Ve avuvu tau yes tигhe yam aghamu, ene raraate imin Maaron Avuvu tau muun aghamu na mako. Ve vaaru poia tau tivovotia payam na paam, ene raraate imin vaaru

* **10:17:** Yer 9:23+; 1Kor 1:31

* **10:18:** Ro 2:29; 1Kor 4:4+

* **11:2:** Ep 5:27; Kol 1:28; Syg 14:4

* **11:3:** Gnp 3:1+; 2Pe 3:17

poia tau yei nisavia payam ve aghur ila na mako. Eemon yam agham zi toman lolomim poia, ve apul zi gha tighamgham uraat toozi tawe, ve aghur ila saveeņ toozi. *

⁵ Alooņ. Mbanooņa siriv tau yam aghit zi aghe ezazi tintiina na, yes tiliiv ghau mako. Saa ngar tau yes tighamu, yau naghamu paam. *

⁶ Onoon, yau nger to savsaveeņ imin yes mako. Eemon ngar to Maaron, yau nambool pani mako. Saawe naol, ngar maata maata tau naghamghamu ne, ipaghazonai ghau ila matamim ighe yau naghazooņ pa Maaron ngar tooni. *

⁷ Yam awatagh: Saawe tau navotia vaaru poia to Maaron payam, natatan taug, ve nagham uraat payam sorok. Nayok pa agham leg atuya mako. Yau nataghon eez tauvene to napakur gham. Laak, yam aghita mindai? Yau nasosor? *

⁸ Saawe tana, yau naleep ila lupuuņ siriv to Kriši nimazi. Uleeņ tau tigham payau na, ene iuluul ghau to nagham uratoi gham. Ngar tane, ene imin yau naum gabua toozi, ve nagham payam.

⁹ Saawe tau itiņa talepleep ve mbolaan igham ghau, yau naghason gham pa uleeņ eta mako. Pasaa, tonvetaz siriv to Masedonia tilam, ve tiuul ghau pa saa gabua tau nambool pani na. Ve lolog pa nagham patanani eta payam mako. Tauta nayai ghau, ve naghason gham pa uleeņ eta mako. Ve aazne ve taghon gha ila paam, pale nataghon ngar raraate mon. *

* **11:4:** Ga 1:6+ * **11:5:** 1Kor 15:10; 2Kor 12:11; Ga 2:6+ * **11:6:** 1Kor 1:17, 2:1, 13; Ep 3:4 * **11:7:** 1Kor 9:12+ * **11:9:** 2Kor 12:13; Pil 4:15+; 1Tes 2:9

¹⁰ Alooŋ. Saveeŋ onoon to Krisi igheen ila lolog ve i tauu ighit ghau ve nasavia saveeŋ tane. Yam tamtamon to Akaia, tsiam eta irau igham ghau napul eez tau nataghoni pa uraat tsiau ne mako. Pa eez tane ta igham ghau tintinig ve napakur ghau pani.

¹¹ Mindai, yam aghe yau lolog payam mako, tauta nataghon eez tane? Maaron iwatagh: Yau lolog igheen tsiam kat.

¹² Tauvene irau nayok payam to auul ghau ne mako. Eez tau nataghoni pa uraat tsiau ne, ene pale ighengheen tauvene. Pa naghe napoon eez pa yes tau tipapait tauzi ezazi tighe yes raratezi imin yei.

Ngar tau mbanooŋa karomŋa tighamghamu

¹³ Zeran tawe, tigham tauzi timin mbanooŋa to Krisi. Eemon yes mbanooŋa tauu to Krisi mako! Tigham karom. *

¹⁴ Ve iit irau tarur pa karom toozi tawe mako. Pasaa, Sadan tauu irau itoor ghi imin aŋela ve itotoi ghazooŋa to Maaron, lesu itombaan ghiit. *

¹⁵ Tauvene besooŋa tooni paam, irau tigham tauzi timin zeran tau titaghon ngar duduunja. Eemon tarur pazi sov. Murei, Maaron pale ighur atuya inarui zi pa ngar toozi.

Pataŋani naol tau Paulus ibaad zi, tauta ipagha-zoŋaini ighe i mbanooŋa tauu to Krisi

¹⁶ Yau nasaav wa. Naghe nasavia saveeŋ rig imin borauŋa. Eemon tsiam eta ighit ghau imin borau sov. Ve isaav ighe aghit ghau imin borau,

* **11:13:** Mt 7:15+; Mban 20:29+; 2Kor 2:17 * **11:14:** Ga 1:8

ene poia! Apul ghau ve naghham n̄gar imin yes boraun̄a, ve napait taug ezag rig.

17 Yau nawatagh: Saveen̄ tau naghe nasavia to napait taug, ene itaghon n̄gar to Tiina toit mako. Saveen̄ tau naghe nasavia, ene imin saveen̄ to yes boraun̄a tau lezi n̄gar mako.

18 Ve tambaan̄o. Pasaa, eval tiina tau yam̄n̄a alepleep na, tipapait tauzi ezazi itaghon n̄gar to taan. Tauvene yau paam, anag naghe napait taug.

19 Aa yam Korin, yam aat n̄gar puughu! Tauta yes tau lezi n̄gar mako na, yam lolomim poia pazi, ve lolomim pa lon̄aan̄ saveen̄ to yes boraun̄a!

20 Ve tane mon mako. Pa ighe tamtamon eta itatan gham ve izoornugh ighe ataghoni pa n̄gar tooni mon, ma ipasovuur gabua tsiam, ma igham gabua tsiam piind ee mon, ma ipapait tauu, ma iposai gham ve ipamayan̄in gham, na yam ayok pani mon, ve apuli ighamgham tauvene.

21 Zeran tana tiliiv ghei kat! Tigham ghei mayamai. Pasaa, n̄gar tau tighamghamu na, yei irau nitaghoni mako.

Aiyo, naghe naseen̄ saveen̄ tsiau borau tane. Pasaa, zeran siriv tau tileep tomani gham na mayazi mako ve tipapait tauzi ezazi. Tauvene yau aat nataghon n̄gar toozi ve napait taug ezag paam!
*

22 Mindai, zeran tana yes Hibrua? Yau paam to Hibu. Ve yes to Israel? Yau paam to Israel. Ve yes tivot ila to Abaram? Yau paam navot ila to

* **11:21:** 2Kor 10:10

Abaram. * *

²³ Ve yes besoonja to Kripsi? Yau paam, besoonja tooni. Eemon yau naliiv zi. Alinjag tane, yau nawatagh, ene saveen to boraunja. Eemon tambaanjo! Yau narav taug pa uraat to Kripsi le naliiv zi. Saawe naol tilos ghau le nasaghat, ve tighur ghau naloj nala ruum to yavyavuun pai katini. Ve saawe naol, naghe paita namaat. Patanjani naol tau nabaad zi ne, ene naliiv zeran tana. *

²⁴ Daaba to yes Yuda tilos ghau pa ravraav pai liim wa. Ve saawe enjaenja tau tilos ghau na, tilos ghau pai tamoot ee sanjavul liim ve paan (39). † *

²⁵ Yes Roma tigham toon ve tilos ghau pai tol wa. Ve saawe ee, eval tikor maet ve tirav matin ghau. Pai tol, yau nazaa waan ve niraav nila le waan imbiris ila te paavo. Ve saawe ee, namoghan ila te paavo pa mboj ee, ve mataaz ee. *

²⁶ Saawe naol tau nalaghlaagh, saghatiinj maata maata injanarui ghau ve rigmon kanan namaat. Yaa ivot toman tapiri le rigmon kanan izugh ghau gha nalaleg. Monmon umbuunja, ve yes Yuda tau yenja nugh eemon, ve yes tau Yuda mako na paam tizuari zi tigha le tivaghamun ghau. Tauvene

* **11:22:** Saveen 'Hibrua' ve 'Israela', pughuzi ite ite. Hibrua, ene Abaram paaghu tooni. Ve saveen 'Israela' ene injarui ghuruun ila toozi. Yes tau Maaron igham zi timin i le, ve titaghon tutuun tooni na tiwaat tauzi tigha yes Israela. Ve nugh nugh tiwaat zi tigha 'Yuda'. * **11:22:** Mban 22:3; Ro 11:1; Pil 3:4+ * **11:23:** 1Kor 4:9+; 2Kor 4:11, 6:4+ † **11:24:** Tutuun to Mose isaav tauvene: Isaav ighe tilos tamtamon eta, yes irau tilosi pa tamoot ru (40) ve izi. Irau timalaan pa 40 ve izala mako. Tauvene saawe tau yes Yuda tilos Paulus, tingal maata kat. * **11:24:** Lo 25:3 * **11:25:** Mban 14:19, 16:22, 27:41

isaav ighe naleep ila nugh tintiina, ma nalaghaagh izi nugh nginaanja, ma nazaa waan ve naraav ila te paavo, ene patanjani ighamgham ghau tauvene. Ve yes tau titoom ve tigham tauzi timin tonvetaz to Krisi na, tighamgham patanjani tiina payau paam. *

²⁷ Monmon, yau narav taug pa uraat ve nagheen poi mako. Ve saawe naol naleep saghat, ve murun ghau ve pitoon ghau. Leg aniiñ mako. Ve ngoaan ighamgham ghau pasaa, leg nonoghiinja poia eta to nanonogh ghau pani mako. *

²⁸ Patanjani naol tawe, to tinig mon. Ve gabua ite ighamgham patanjani payau paam. Pasaa, saawe isov, yau naghhamgham ngar naol pa lupuuñ tiso to Krisi, ve lolog bubu pazi.

²⁹ Isaav ighe tamtamon eta ghuruuñ ila tooni iyaryaan mako, ene igham ghau nayamaan naghe tapirig isov. Ve ighe tigherev toit eta gha igham sosor, ene igham ghau ateg yavyav kat.

³⁰ Isaav ighe ngar tsiam iyaryaan aghe napait taug, ene poia. Yau aat nataghon ngar tsiam. Eemon saawe tau napakur ghau, yau aat nasavia gabua siriv tau titotoi tigde yau tapirig imbool. *

³¹ Maaron tau Tiina toit Yesu Krisi Taama na, iit aat tapait eeza irau saawe. Iiwatagh: Saveeñ tsiau tane, karom mako. Ene onoon mon. *

³² Saawe tau naleep izi nugh tiina Damaskus, gavana tau kinik Aretas ighuru pa nginiin nugh tawe na, ighur zaaba siriv to tinjin ataman to nugh, lesu tikis ghau.

* **11:26:** Mban 9:23, 13:50, 20:3, 23:12+ * **11:27:** Mban 20:31;

2Kor 6:5 * **11:30:** 2Kor 12:5, 9+ * **11:31:** Ro 1:9+; 2Kor 1:23

³³ Eemon naleep ila nakaral tiina loolo, ve zetagña titugh ghau itaghon sooso to yaghur tau igheen ila didiin tiina to nugh, ve nazila. Tauta i ikis ghau mako, ve naghau. *

12

Paulus isavia tandaghiin tooni

¹ Onoon, yau naghita naghe ngar to paitoon tauun ezaan, ene iuul ghiit mako. Eemon leg eez ite paam mako pasaa, yam lolomim pa ngar tauvene. Tauta yau aat naseen saveen tsiu, ve nasavia gabua siriv tau Tiina toit Yesu ivotia payau ila tandaghiin.

² Yau nawatagh neer ee to Krisi. Ndaman sanjavul ve paan tau ila wa, Maaron indae izala pa sambam tau saanja le saanja kat. *

Ve yau nawatagh mako. Neer tawe tauu izala ve ighita pa maata, ma itandagh mon? Maaron mon ta iwatagh.

³⁻⁴ Tauvene neer tana, Maaron indae izala pa nugh tooni tau paghuuna le paghuuna kat. Ve nayol alinag muul. Nawatagh mako. Neer tana tauu izala ve ighita pa maata, ma itandagh mon? Maaron mon ta iwatagh. Saawe tau ileep ta sewe, i iloon saveen to gabua siriv. Gabua tawe, isaav ighe

* **11:33:** Mbanj 9:23+ * **12:2:** Saveen ziiri tane, Paulus isavia tauu. I loolo pa igham pakuruun tiina mako. Tauta iwaat tauu eeza mako, ve ighuru izaa to neer ite. Saveen tau Paulus iboode na, isaav tauvene: "izala pa sambam tau imin tol pani." Yes Israela ngar toozi tauvene: Sambam tol ighengheen. Ee, ene sooso tau man tirovroov ila. Ite imin ru, ene sooso tau aaz, kaiyo ve pitum tigheen ila. Ve imin tol tau igheen saanja le saanja kat, ene nugh sambam tau Maaron ileep pani.

tatoova to tasavia, ene pale tarao mako. Pasaa, saveeŋ eta irau ivotia gabua tawe ighazooŋ mako. Ve gabua ite. Gabua tawe lezi ngalsekiin. Tamtamon eta to taan irau ivoti zi mako.

⁵ Neer tau gabua tawe ivot pani na, yau irau napakuru. Eemon irau napakur taug ne mako. Yau naghe nasavia gabua siriv tau itotoi ighe yau tapirig imbool. Tane mon ta napakur ghau pani. *

⁶ Tauvene yau irau napakur taug mako. Eemon isaav ighe naghamauvene, ene aat naghamau ngar to boraunja mako. Pasaa, saveeŋ tau nasavia to napait taug, ene onoon. Eemon lolog pa ngar tauvene mako. Pasaa, lolog pa tamtamon tipait ezag sorok mako. Naghe tighita ngar tau naghamaughamu ne, ve tilooŋ saveeŋ tsiau. Ve isaav ighe tighita gabuag ve tipait ghau, ene poia.

Saawe tau tapiriin imbool, Krisi ipapalot ghiit, lesa tayooz ariaan

⁷ Maaron ivotia gabua popoia katini payau. Eemon i loolo pa napakur taug pa ngar tau i ighamau payau ne mako. Tauta ipul Sadan ivavaghamun ghau pa patanani ee to ulig. Patanani tau ighamaughamu ghau ne, ene imin mbanooŋa to Sadan. Ingalngal ghau imin waar tuatau, lesa napakur taug geeg sov. *

⁸ Patanani tane, yau naghason Tiina toit pai tol naghe ighamau ghau payau.

⁹ Eemon i isaav payau ighe: “Mako. Poia tsiau tau izazaa tsio, ene irao. Uil saa kaut muul? Yes tau tapirizi imbool, ene yau irau natotoi tapirig ivot ighazooŋ kat ila toozi.” Tauvene isaav ighe tapirig

* 12:5: 2Kor 11:30 * 12:7: Ga 4:13+

imbool, ene tintinig, ve napakur ghau. Pasaa, saawe tau taug tapirig imbool, ene Krisi tapiri tiina igheen tsiau.*

¹⁰ Tauvene isaav ighe nataghon Krisi, ve naya-maan taug naghe tapirig imbool, ve tamtamon tipamayanin ghau, ve tigham saghatin ghau, ve tighur patañani payau, ene lolog poia mon. Pasaa, saawe tau tapirig imbool, Krisi ipapalot ghau pa tauu tapiri. Tauta nayooz ariaañ.*

Paulus igham ngar naol pa yes Korin

¹¹ Oyai, yam Korin agham ghau nasavia saveen imin yes boraña wa. Imin ta yam apait ghau pa uraat tsiau, kanaan poia. Eemon yam agham tauvene mako. Onoon, yau ñeer sorok. Eemon yes mbañoña tau yam aghit zi aghe ezazi tintiina na, yeña raratemai. Saa ngar tau yes tighamu, ene yau naghamu paam.*

¹² Ngar ve uraat tau naghamghamu ila sosomim, ene itotoi ighe yau mbañoña tauu to Krisi. Pasaa, nayooz ariaañ pa badoon patañani, ve Maaron ipalot ghau gha naghama gabua ngeretazi ve uraat tintiina ivotvot. Tauta itotoi ighe i ileep tomani ghau pa uraat tsiau.*

¹³ Laak, yau naghama saa sosor payam? Ngar eemon geeg tau naghama payam na, ene ite rig pa ngar tau naghama pa lupuñ siriv to Krisi. Ene nayok pa aghama leg atuya mako. Naghama tauvene pasaa, lolog pa naghama patañani payam

* **12:9:** 2Kor 11:30; Pil 4:11+

* **12:10:** Ro 5:3; 2Kor 13:4

* **12:11:** 2Kor 11:5

* **12:12:** Mk 16:17+; Ro 15:19

mako. Ighe yam aghita aghe ngar tsiau tana iduduun mako, na apul sosor tsiau! *

14 Yau nagig gham pai ru wa. Ve aazne, matag injgal naghe nalat naghit gham muul imin pai tol. Ve irau naghham patañani eta payam mako. Pasaa, lolog pa naghham gabua tsiam mako. Yau naghham ngar pa yam taumim. Naghe lolomim ilam tsiau, o poi. Aghita. Geegeu tindoundou gabua pa uleen tamazña ma tinazña? Mako. Yes geegeu tileep ila tamazña ma tinazña nimazi. *

15 Tauvene isaav ighe yau narei taug tomania gabua tsiau isov to nauul gham, ene lolog poia mon. Ma mindai? Ngar tsiau tau lolog igheen tsiam kat, tauta igham gham lolomim payau geeg mako ne? *

16 Tauvene yau lolog pa naghham patañani payam mako, tauta nayok pa agham leg atuya mako. Aiyo, saveen tane imuul ta sene. Tala geeg sov.

Yau nawatagh: Zeran siriv tau tileep tomani gham na, tingalngal saveen payau tighe: “Neer tawe, i irao pa ghamuun karom. Onoon, i iyok pait to tagham le atuya mako. Eemon ilam itombaan ghiit, ve iyaur maet tau tagooga pa uleen na ve ighamu imin le!”

17 Saveen toozi tawe, yau nakankaan pani. Yes tau nambaan zi tilat payam na, toozi eta imin eez payau to natombaan gham ve nayau gabua tsiam? Mako.

18 Onoon, yau ta napalot Titus pa saveen gha ilat. Ve nambaan tonvetaz toit ite ilat tomania.

* 12:13: 2Kor 11:9 * 12:14: 2Kor 13:1 * 12:15: Pil 2:17; 1Tes 2:8

Ve mindai? Titus itombaam gham, ve iyau gabua tsiam? Yam awatagh: I irau igham ngar tauvene mako. Ve yeiru Titus ngar tsiei ve gabuamai raraate. *

Ngar siriv to yes Korin tau Paulus loolo pa ghi-toonj zi mako

¹⁹ Mindai, yam aghesaveenj tau niboode ila rau tane, ene to nipoon taumai? Mako. Yei nisavia saveenj tane ila Maaron maata itaghon Krisi ngar tooni. Pasaa, yei nipaak Krisi ve nileep ila tooni. Yam tonjvetaz, lolomai igheen tsiam kat. Tauvene ngar isov tau nighamghamu ne, ene to iuul gham ve ipalot gham.

²⁰ Eemon yau naroi: Saawe tau ighe natal, ene pale naghita ngar tsiam le irau lolog mako. Ighe tauvene, ene pale yau nayaon gham ve naghim ngar tau irau lolomim mako na. Pasaa, matag injal naghe saawe tau natal, ene pale naghit gham aghamgham ngar sasaghati naol tauvene: Aparzoor gha akuup taumim ala soghan soghan, ve ngar tsiam iyaryaanj aghesatatan zeetmimnja, ve agham zi titaghon ngar tsiam mon. Ve atemim yavyav, agham ngar pa taumim mon, anjalngal saveenj pa zeetmimnja, asisinai zi, apapait taumim ezamim, ve aghamgham ngar sasaghati siriv paam tau ireureu lupuu nj tsiam. *

²¹ Ve naroi pa gabua ite paam: Isaav ighe namuul natal, ve naghit gham agharaat taumim soone, ene pale Maaron ipamayanjin ghau ila matamim. Mako lolog ipatanjan, ve nata nj pa eval

* **12:18:** 2Kor 8:6, 8:16+ * **12:20:** 1Kor 4:21; 2Kor 10:2

tiina tau tigham sosor, ve titoor n̄gar toozi soone na. Ene nasavia yes tau n̄gar toozi in̄galaan̄ mako, ve matazi ghaara imin n̄gavuun, ve tila pa naghozi mon ve tigham n̄gar sasaghati maata maata. *

13

Tagabiiz poghania tauun pa ghuruun̄ ila toit

¹ Yau nalat naghit gham pai ru wa. Ve aazne naghe naghham laghoon̄ tsiau ite muul imin tol. Leso nawatagh katin n̄gar tsiam. Pasaa, Maaron aliin̄a isaav tauvene:

“Tamtamon ru ma tol aat tighita gabua pa tauzi matazi ve tipariaan̄ saveen̄a, o taghur ila taghe ene onoon.” *

² Saawe tau nalat naleep tomani gham imin pai ru, yau nasaav ariaan̄ payam naghe ayamaan gham pa n̄gar tau aghamghamu na. Ve aazne, naleep malau, ve nayol alin̄ag muul. Isaav ighe namuul nalat, ve naghita yes tau muun̄ tigham sosor na titoor n̄gar toozi soone, ene irau naghurghur zi mako. Pale naghur patañani pazi. Ve yes mon mako. Tamtamon siriv tau aazne tighamgham sosor na paam, irau naghurghur zi mako.

³ Aazne, n̄gar tsiam iyaryaan̄ aghe le aghita gabua eta imin ilaal payam. Leso awatagh aghe yau navotia Krisi aliin̄a payam. Tauvene yam pale aghita. Eemon Krisi tapiri igheen soghan payam mako. I ighamgham uraat ila sosomim toman tapiri tiina. Ve yam aghilaalo mako.

⁴ Onoon, saawe tau Krisi imaat izala ai pambarooñ, tamtamon tighita tighi i le tapiri mako.

* **12:21:** 2Kor 13:2 * **13:1:** Lo 17:6

Eemon Maaron tapiri ipaburigini pa mateegh, ve aazne i ileep maata yaryaare. Yei tauvene paam. Tapirimai imbool. Eemon nipaak Krisi ve nileep ila tooni, tauta Maaron tapiri ipapalot ghei pa uraat tsiei, leso niuul gham. *

⁵ Agabiiz poghania taumim: Ngar tau aghamghamu na, itotoi ighe yam aghur ila, ma mako? Ve yam irau aghilaal aghe Krisi ileep ila lolomim, ma mako? Anumeer taumim sorok sov. Pa aat aghur ila mako ma vene.

⁶ Ve yei nighur ila tauvene: Isaav ighe agabiiz ghei, ene pale aghilaal aghe yei mbanjoona tauu to Krisi.

⁷ Yei nighason Maaron to ipalot gham, leso agham ngar saghati muul sov. Pa nighe le ataghon katin ngar isov tau iduduun ila i maata. Ve isaav ighe tamtamon tigabiiz ghei tighe yei mbanjoona tauu to Krisi, ma tighe yei nigham karom pa uraat tsiei, ene kaut sorok. Eemon yam aat ataghon katin ngar duduuna, o agham ghei lolomai poia.

⁸ Pasaa, yei irau nizoor saveen onoon mako. Yei nileep to nipariaana.

⁹ Tauvene isaav ighe tamtamon tighit ghei tighe tapirimai imbool, ene poia. Eemon nighe yam ayooz ariaan pa ghuruun ila tsiam, o lolomai poia. Tauta saawe isov, nighurghur gham ila sunjuun tsiei, ve nighaghason Maaron to igham uratoi gham le ngar tsiam isov iduduun mon ila i maata.

¹⁰ Saveen tane, aazne naleep soghan ve naboode ilat payam. Pasaa, lolog pa nalat ve naghamsaveen ariaana payam mako. Onoon, Tiina toit ighur ghau to naghamsaveen uraat tauvene

* 13:4: 2Kor 12:9; Pil 2:7+

payam. Eemon yau irau to navaghamunia tam-tamon mako. I ighur ghau to napalot tamtamon, leso ghuruunj ila toozi ivot imin tiina ve iyaryaan.
*

¹¹ Yam tonvetaz, naghe napasov saveenj tsiau. Yam asov aloonj saveenj palotiinj tsiau tane, ve lolomim poia, agharaat njar tsiam, alup lolomim imin eemon, ve ataghon njar luuma mon. Leso Maaron tau loolo igheen toit ve igham ghiit taleep poia toman loloon luuma na, ileep tomani gham.
*

¹² Tauvene lolomim poia pa taumim ve avataki nimamim *
itaghon njar to iit tamtamon to Maaron. *

¹³ Maaron tamtamon tooni tau tileep ta sene, tigham aaz poia toozi ilat payam.

¹⁴ Poia to Tiina toit Yesu Krisi izaa to yam asov, ve njar to Tamaan Maaron tau loolo igheen toit kat na igheen tomani gham, ve Avuvu Patabuyaanj ilup gham amin eemon. Onoon.

* **13:10:** 1Kor 4:21; 2Kor 2:3, 10:2, 8 * **13:11:** Ro 15:33; Pil 2:12, 3:1; 1Tes 5:16 * **13:12:** Paulus ibood ighe: 'Avaghani avomim.' Ene eez toozi tau itotoi ighe lolozi pa tauzi. Ve iit tagham tauvene mako. Tayanjin pa tamtamon, mako itinja tavataki nimaan.
* **13:12:** Ro 16:16

**Maaron Saveen Tooni Patabuyaang
The New Testament and portions of the Old Testament
in the Tuam dialect of the Saveeng language of Papua
New Guinea. The Saveeng language is also called the
Mutu language.
Sampela hap Buk Baibel long tokples Saveeng Tuam
long Niugini.**

copyright © 2011 Wycliffe Bible Translators, Inc.

Language: Saveeng (Mutu)

Dialect: Tuam

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

PDF generated using Haiola and XeLaTeX on 18 Apr 2025 from source files dated 31 Aug 2023

adb844f0-d769-5b05-9dd0-7c01fca938bb